

GUX Aasianni ilinniarnermut-ileqqorissaarnermullu malittarisassat

GUX Aasianni ilinniarnermut – ileqqorissaarnermullu malittarisassat suliarineqarput Namminersorlutik Oqartussat Ilinniarnertuunngorniarfinni ilinniarnermut ileqqorissaarnermullu malittarisassat pillugit nalunaarutaat nr. 10, 23. juli 2012-imeersoq tunngavigalugu.

Siunertaq

GUX Aasiaat ilinniarnermut- aamma ileqqorissaarnermut malittarisassaqaarnerup siunertarivaa ilinniartunut sulisunullu tamanut ilinniarfimmi pitsaasumik avatangiiseqarnissap qulakkeernissaa. Ilinniarnermut ileqqorissaarnissamillu malittarisassaqaarneq atuartitsinermi pitsaasumik tunniussisinaanermik qulakkeerinneqataassaaq.

Malittarisassaqaarneq qulakkeerinneqataassaaq GUX-imiittut tamarmik toqqissisimallutik aamma tikilluaqqusaallutik atuartitsinermi tunniussaqaqataarusullutik peqataasinnaanissaat siunertaralugu.

Takkuttarfiit

GUX Aasianni ilinniarneq ulluinnarni naliginnaasumik 8.00-miit 17.00-mut ingerlasarpoq. Atuartitsinerilli ataasiakkaat kajumissutsimillu atuartitsinerit unnukkut sapaatillu akunnerata naanerani ingerlasinnaasarlutik. Iliniakkerinermi cafe suleqatigiillunilu allannerit unnukkut aamma ingerlakkajuttarput.

Ilinniakkamut malinnaaneq

Ulluinnarni atuartitsiffimmut takkuttut tamarmik, ilinniakkaminnik malinnaassapput, taannalu isumaqarpoq:

- Takkuttut tamarmik piareersarsimallutik takkuttassasut.
 - Takkuttut tamarmik qasuersimallutik atuartitsivimmilu sammisassanut tamanut peqataasassasut.
 - Takkuttut tamarmik atuagaqarlutillu atuartitsivimmi atugassat pisariiallit tamaasa pigissavaat.
 - Qarasaasiat angallattakkat, qarasaasiat, IT-p iluanilu atortut atuartitsinerinnarmi atorneqarsinnaapput.
 - Atuartut ilinniartitsisumut saaffiginneqqaartinnatik klasse qimattassanngilaat.
 - Atuartut ilinniartitsisullu immikkut akuersisoqarsimatinnagu imaluunniit atuartitsinermut atatillugu nerisoqanngippat, atuartitsiviup iluani nerisoqassanngilaq.
 - Atuartut atuarnerup nalaani immikkut ittumik akuersisoqarsimatinnagu, atuartitsinernulluunniit ilaanngippat nipilersungassianik tusarnaartassanngillat.
 - Atuartitsisoqartillugu oqarasuaatit angallattakkat mobilhotel-imut inaalinneqartassapput.
- Ilinniartut ilinniartitsisuata akuersineratigut ilinniarnernup ingerlanerani immikkut akuersisoqartillugu sulinermi atorneqarsinnaavoq.
- Ilinniartut ilinniartitsisulluunniit meeqqatik allalluunniit meeraat atuartitsivinnut nassarsinnaanngilaat. Inersimasumilli nakkutigineqarlutik ataatsimoorfinniissinnaapput.

Arlaleriarluni unioqqutitsisoqartillugu kinguneqartitsisoqarsinnaavoq. Ilinniartitsisup aaliangissuaa modulip sinnerani kinguneqartitsineq atuutissanersoq.

Pissusilersuutit atuarfimmi aamma atuarfiup avataani

Kikkut tamarmik atuarfiup iluaniittut atuarfiullu pigisaaniittut pigisaanillu atuisut akisussaassuseqassapput.

Aammattaaq atuarfiup illuutaani atuartitsivinni, atuarfiup pequtai, atortui IT-nut tunngasut, aalasulianut atortut, atuartitsinermilu atortut tassani pineqarput. Ajoqusiisoqartillugu atuarfik taarsiinissamik piunasaqassaaq.

Atuarfimmi ilinniartunut sulisunulluunniit annersaaneq qunusaarinerluunniit inerteqqutaavoq tamanna atuarfimmi avataaniluunniit pippat aamma inerteqqutaavoq.

Atuarfimmi eqimattanut inunnulluunniit ataasiakkaanut pimmatiginninneq, oqalulluni, allalluni, assikkulluunniit akuersaarneqarsinnaanngillat. Naatsorsuutigineqarportaaq, ilinniartut, sulisullu imminnut ataqpeqatigiissasut, atassuteqatigiinnermilu pissuserissaarluni imminut oqaluunnissaq naatsorsuutigineqarpoq aamma allaqatigiinnermi.

Atuartitsiviit eqqagassaqartinneqassanngillat. Atuartitsivik qimannginnerani eqqagassat eqqaavimmut iginneqassapput.

Atuarfiup eqqaani pujortarneq inerteqqutaavoq, atuarfiup eqqani qui pujortarfissatut naatsorsuutigineqartoq kisimi pujortarfiusinnaavoq. Kimmivikut kimmivikunut naatsorsuussanut iginneqassapput, nunamullu iginneqaqqusaanngillat.

Atuarfiup pisortaata pisuni aaliangersimasuni atuarfimmi baajanik vin-inillu pisinnaaneq akuersissutigisinnaavaa.

Imigassanik aalakoornartortalinnik aanngajaarniutinillu atuarfimmut nassarneq inerteqqutaavoq. Atuisimalluni atuarfimmukarneq inerteqqutaavoq, atuarfiup pisortaa immikkut baajanik vin-inillu pisuni aaliangersimasuni akuersisimanngippat aamma aqqissuussani atuarfimmi pisuni tamanna atuuppoq. Atuisimalluni atuariartorneq imigassamik aanngajaarniutinilluunniit atuarfimmud nassarneq kinguneqartinneqassooq.

Assit

Atuarfiup illutai atuarfimmullu attuumassutillit pisut tamanut ammasutut isigineqarput. Taamaammat atuarfimmi assiliisoqarsinnaavoq, soorlu aamma aputinik ilusilersuinnermi assiliisoqarsinnaasoq, taakkualu assit atuarfiup nittartagaanut ilineqarsinnaapput, tassanilu rektori aqqissuisutut akisussaasuvoq.

Allaaneruvorli inuit nittartagai eqqarsaatigigaanni, tassani inuit ataasiakkaat inuit nittartagaannut ikkutaminnut akisussaasuupput.

GUX-imi ilinniartuq sulisorluunniit atuarfimmut attuumassuteqartunik inuit nittartagaannut assinik ikkussiguni, malittarisassanut naliginnaasunut attuumassuteqassooq aammali atuarfiup ilinniarnermut ileqqorissaarnermullu malittarisassai malinneqartussaapput, soorlu aamma pimmatiginninnermut malittarisassat malinneqartussaasut.

Taakkualu isumaqarput inuit nittartakkanut ikkunneqartunut kanngunarsarneqarnerannik imaqassanngittoq, kanngunarsaasoqarpat kinguneqartitsisoqassaaq.

Qulaani taakkartorneqartut isumaqanngillat unnussiuarnerni ulluinnarniluunniit assiliisoqaqqusaanngittoq. Assinilli nittartakkatigut ikkussuinnermi tunuarsimaalaartarnissaq pisariaqarsinnaavoq.

Pingaartumik atuarfimmi sulisunut uani eqqumaffigeqquneqarpoq atuarfimmi atorfimmut tulluuttumik pissusilersornissaq (sulisut quppersagaat takujuk). Atuarfimmi atorfilimmut ileqqoreqqusanut tulluukkunnangilaq, atuarfimmi atorfilik nittartakkatigut sulisup ilinniartullu assiinik ikkussippat, ilinniartuq atorfililluunniit misigisimasinnaalluni killini qaangerlugit qanillivallaarneqarsimalluni. Taamaattoqassappat assilitittuniit akuersissummik pisoqaqqaartariaqarpoq. Akerlianilli ajornartorsiutaanngilaq ataatsimoornerni assiliineq, soorlu atuarfimmi arlaannik pisoqartillugu, upernaakkut nipilersornerni assigisaanniluunniit.

Atuarfiup atassuteqaataa

Atuarfiup atassuteqaataa atorlugu ilinniartut ataasiakkaat atuarfiup atassuteqaataanut atuarfiup IT-lerisuiniit pissarsiarisimasani atuisutut isertaatini, isertaammullu kode-ni atorlugu atuarfiup atassuteqaataanut isertassooq. Atuarfiup atassuteqaataanut Lectiomulluunniit allap isertaataa atorlugu isertoqaqqusaanngilaq.

Atuarfiup nittartakkatigut mattunnikuusai atortunik aallerfiusinnaasut, atuarfiup IT-politik-ianut akerliusunik aallertoqaqqusaanngilaq (GUX Aasiaat IT politik-ianut innersuunneqassooq).

Lectio-p allaqatigiiffia atorneqartillugu eqqartukkat atuarfimmut tunngasuussapput. Ussasaarutininik nassiusuisoqassanngilaq, allaqatigiinnermilu torersumik attaveqatigiittoqassaaq.

Ilinniarnermi takusassarsiorneq

Ilinniartut takusassasiorlutik angalaneranni akisussaaqatigiittoqassooq. Imigassartorneq aangajaarniutinilluunniit atuineq inerteqqutaavoq.

Kinguneqartitsinerit

Malittarisassat taakkartorneqartut malinneqanngippata, atuarfiup atuartumik pisut pillugit oqaloqateqarnini aallartissinnaavai imaluunniit kinguneqartitsilluni, kinguneqartitsinerit ukuusinnaapput:

1. Modul-ip ilaanik mattussigallarneq.
2. Allakkatigut mianersoqqusineq.
3. Aaqqissuussanit aaliangersimasunit pisunilluunniit aaliangersimasuniit mattussineq.

4. Ukiumi atuarfiusumi ataatsimi atuartitsineriit ullut qulit mattussigallarneq.
5. Pisuni sakkortuuni atuarfimmiit anisitaaneq.

Pisuni sakkortuuni kinguneqartitsinerit 3-miit 5-mut allakkatigut mianersoqqussutigineqanngikkaluarlutik kinguneqartitsinerit aallartisarneqarsinnaapput. Aserorterinerit atuarfimmi atuarfiullu pigisaani, annersaanerit, siorasaarineit, atuartunut, sulisunullu pissusilersuutit sakkortuutut isigineqassapput.

Atuartoq 18-it ataallugit ukioqarpat mianersoqqusissut allakkatigut tammatsaalisatut angajoqqaanut apuunneqassooq.

Kinguneqartitsinerit 3-5 taamaallaat tusarniaareernermi atuutilersinnaapput. Atuartoq 18-it ataallugit ukioqarpat angajoqqaat aamma tusarniaavigineqassapput.

Kinguneqartitsinissamik ilimasaarisoqareerneraniit sapaatip akunneri marluk qaangiutsinnagit tusarniaaneq naammassineqareersimassooq. Rektori kinguneqartitsinissamik aallartisaassooq.

Takkuttarneq

Atuartut tamarmik atuartitsineritut tamanut takkuttussaataaapput, ukuuppullu:

- Modulit skema-miittut.
- Ataatsimut tiimeqarnerit, ullut timersorfiit, ullaakkut ataatsimoornerit.
- Atuarnermut tunngatillugu paasisassarsiornerit.
- Terminsprøve-t, semester-ikkaartumik misilitsinnerit, ukiumoortumik misilitsinnerit, misilitsinerillu.

Terminsprøve-nit, semester-ikkaartumik misilitsinnernit, ukiumoortumik misilitsinnernit, misilitsinernillu takkutinngittoornerit, nakorsap oqaaseqaataanik soqanngippat immikkulluunniit rektori isumaqatigiissuteqarfigisimannngikkaanni takkuttussaataanermik annertuumik sumiginnaanertut isigineqassooq.

Takkutinngittoornerit

Atuarnerup aallartinnerani ilinniartut tamarmik ilisimatinneqartarput takkuttarnermi takkutinngittoortarnermilu malittarisassat pillugit. Modul-it takkutinngittoorfiit tamarmik ilinniartitsisunit Lectio-kkut nalunaarsorneqartarput. Tassuuna atuartup takkutinngittoorfini malinnaaffigisinnaavai, takkutinngittoornerminullu patsisaasoq allassinnaallugu.

Klasset tamarmik aaliangersimasumik atuarfimmi siunnersorteqarput. Atuarfimmi siunnersortip klassemi atuartut ataasiakkaat takkutinnngiffii nakkutigisarpai, takkutinngittoortarnerillu akulikitsillugit atuartut oqaloqatigisarlugit.

Takkutinngittoornerit killeq aaliangersimasooq tikikkaangassuk ilinniartooq anguniagassalioqatigineqartarpoq, ilinniartullu pissusaaffigivaa anguniagassaq malissallugu.

Kinguneqartitsinerit iliuusissallu allat atuarfiup takkutinngittoonermi politik-iani takuneqarsinnaapput.

Peqquserluttuliorneq

Peqquserluttuliorneq allap suliaanik ilaagaqarnikkut pikkajuttarpoq, tamannalu pisarpoq allap suliaa ilisimatitsinani nammineq suliarisimasutut nalunaarutigigaanni. Tamanna akuersaarneqarsinnaangilaq annertuumillu kinguneqartinneqarsinnaalluni.

Misilitsinnerup nalaani nunarsuarmut attaveqaatit ikiortigisimagaanni, matumuuna paasissutissanik naapertuutinngitsunik internet-imiit paasissutissanik aallerneq, soorlu ChatGPT aamma ikiortaasinnaasut allat soorlu AI ikiortigisimagaanni peqquserluttutut isigineqassooq.

Aqutsisut aaliangerpata, ilinniartuq peqquserlussimasoq, imaluunniit misilitsinnermi peqquserlunniarsimasoq paasineqarpat, ilinniartuq misilitsinnissamiit peerneqassooq. Misilitsinnissamiit peersitaaneq peqquserlunnermit peqquserloriartoqarsimappalluunniit misilitsinnermik misiliisimasutut isigineqassooq.

Ulluinnarni suliaasani peqquserlunneq atuarfiup ilungersunartutut isigivaa. Ilinniartitsisup ilinniartuq paasiguniuk ilaagaqartoq, ilinniartitsisoq pisup annertussusaa apeqqutaalluni, ilinniartup tunniussaralua tunniutinngittoortutut nalunaarsinnaatitaavaa, imaluunniit ilinniartitsisup tunniussap ilaa ilaagaangitsoq kisiat naliliiffigisinnaallugu.

Atuarfiup nittartagaani [plagiat](#) pillugu paasisaqarnerusoqarsinnaavoq.

Killiffimmi angusat (standpunktskarakterer)

Ilinniartuq fag-imi misilitsittussanngortinneqaruni, nammineerlunilu ilinniakkaminik ingerlatsisuuppat (selvstuderende), takkunnissaminut pisussaaffini eqquutsinngikkuniuk fag-imi killiffimmi karakter-issani annaasinnaavaa. Ilinniartuq fag-imi tamani misilitsittussanngortitaasimaguni, takkunnissaminillu pisussaataffini naammassinngikkuniuk, killiffimmini karakter-eqarfissaraluaani (standpunktkarakter) tamaasa annaasinnaavai.

Nuuttarneq

Ukioq atuarfiusup naalernerani rektori aaliangertarpoq, klassemi suleqatigiit ataatsimeeqatigereernerani ilinniartuq klassep tullianut ingerlaqqissanersoq. Atuartut minnerpaamik agguaqatigiissillugu 2-mik angusaqarsimasut, klassep tullianut ingerlaqqittarput.

Rektori aaliangersinnaavoq ilinniartut ataasiakkaat ingerlaqqinnginnissaannik, ukiumut angusaasa agguaqatigiissinnerata 2 ataappagu aammalu ilinniartup atuartitsinnermi pissarsiai naammaaginangippata.

Naammagittaalliorsinnaaneq

Ilinniartut aamma angajoqqaat, ilinniartut 18-it ataallugit ukioqarpata, kinguneqartitsinerit pillugit Illiniartitaanermut Naalackersuisoqarfimmut rektorip aaliangigaa maalaarutigisinnaavaat. Kinguneqartitsinerup nalunaarutigineraniit sapaatit akunneri marluk qaangiutsinnagit maalaartoqarsinnaavoq. Maalaarut allakkatigut tunniunneqassooq rektorimut, rektorillu akissutissani akissutigalugit maalaartumut akissutigereerpagit, maalaartoq akissuteqarnissaminut sapaatip akunnaera periarfissarissuaa. Maalaartup akissutai Naalackersuisoqarfimmut aamma apuunneqassapput.

/MH